

22. apríl 2020.

Hverfisráð Hríseyjar
bt. Bæjarráð Akureyrar
Geislagötu 9
600 Akureyri

Ferðapjónusta skiptir sífellt meira máli fyrir atvinnulíf í Hrísey. Heimsfaraldurinn Covid-19 ógnar mjög afkomu þeirra sem starfa með beinum eða óbeinum hætti á þessu sviði í eyjunni og hafa rekstraraðilar í ferðapjónustu miklar áhyggjur af komandi sumri. Hér eins og víða annars staðar eru sumarmánuðirnir þrír hryggjarstykkið í heilsársrekstri, til dæmis hjá verslun, og veitingashúsum. Erlendra ferðamanna á eigin vegum er ekki að vænta í sumar og komur skemmtiferðaskipa virðast úr sögunni. Fyrir skemmstu afboðaði skipið Ocean Diamond tólf heimsóknir til eyjarinnar og viðbúið er að önnur skip geri slíkt hið sama.

Ríkisstjórnin hefur ákveðið að gefa út svokallaðar ferðaávisanir fyrir alla yfir 18 ára aldri og er alveg ljóst að mikil samkeppni verður um að ná í þennan hóp. Hér í Hrísey er hafin vinna hjá Ferðamálafélaginu við að búa til skemmtilegar pakkaferðir til Hríseyjar með góðum afsláttum ef fólk kys að nota þessa ávísun hér.

Til að styðja við þetta átak okkar og renna styrkari stoðum undir atvinnulífið í eyjunni, förum við þess á leit við Akureyrarbæ að hann styrki okkur með því að greiða fargjöld í Hríseyjarferjuna fyrir alla í einn mánuð í sumar. Slík ráðstöfun myndi skila miklu til eyjarinnar og yrði gott markaðsátak sem hægt væri að ráðast í vegna aðstæðna í þjóðfélaginu. Við erum þess fullviss að margir íbúar á Norðurlandi sem ekki hafa komið í Hrísey myndu nýta sér þetta tilboð og einnig aðrir landsmenn en ótrúlega stór hluti þeirra hefur aldrei komið til Hríseyjar. Þetta hefur oft verið rætt í gegnum tíðina og fyrir allmörgum árum var þetta gert eina helgi á ári og auglýst vel og var mikil aðsókn og mikil ánægja hjá öllum.

Með von um góðar undirtektir.

F.h Ferðamálafélags Hríseyjar og hagsmunaaðila í ferðapjónustu í Hrísey.

Linda María Asgeirsdóttir

Enginn Ragnarsóson

Þórs-Elfi Þórunnsson

Ólafur Þórunnsson